

شریف گنجابی

شریف گنجابی دا اصل ناں محمد شریف سی 13 اکتوبر 1915ء نوں گجرات دے مشہور قصبہ گنجابہ وچ مولانا غلام محی الدین دے گھر پیدا ہوئے۔ آپ نے مڈھلی تعلیم اپنے والد کولوں حاصل کیتی۔ فیر گنجابہ دے ای سناٹن دھرم ہائی سکول توں میٹرک دا امتحان پاس کیا۔ گورنمنٹ کالج گجرات توں انٹرمیڈیٹ دی سند حاصل کیتی تے گنجابہ دے اسلامیہ سکول وچ مدرس ہو گئے۔ ملازمت دے نال نال پڑھائی دا سلسلہ جاری رکھیا۔ پہلاں بی اے کیا۔ فیر 1941ء وچ بی ٹی دا امتحان پاس کیا۔ ملازمت دے دوران مختلف شہراں وچ ہیڈ ماسٹر رہے نال نال ایم اے فارسی تے ایم اے اردو دے امتحان پاس کیجے تے فارسی دے لیکچرار ہو گئے۔ گورنمنٹ کالج انک، روالپنڈی، گوجر خان، جہلم، تلمہ گنگ تے لالہ موکی وچ پڑھاندے رہے۔ 1974ء وچ ریٹائر ہو کے پنجاب یونیورسٹی دے شعبہ پنجابی وچ بیچ وچ رہے پڑھاندے رہے۔ فیر اسلام آباد چلے گئے تے مقتدر قومی زبان دے علمی تے ادبی جریدے دے مدیر مقرر ہو گئے۔ آخری دم تک گجرات وچ علمی، ادبی تنقیدی تے تحقیقی کم وچ رُچھے رہے۔ 21 جنوری 2007ء نوں خالق حقیقی نال جا ملے۔

شریف گنجابی اک عہد ساز شخصیت تے اپنی ذات وچ انجمن سن۔ آپ پنجابی دی جدید نظم دے موڈھی شاعر سن۔ ”جگرتے“ آپ دیاں پنجابی نظماں دا پہلا مجموعہ اے۔ دو جہ مجموعہ ”اوڑک ہوندی لو“ اے۔ آپ نے تنقیدی مضموناں دا مجموعہ ”جھاتیاں“ دے ناں نال چھاپیا ایس توں اڈ ”خطبات اقبال رحمۃ اللہ علیہ“ جاوید نامہ، ”علم الاقتصاد“ نبی دے خطبے تے ”بھوسورہ دا پنجابی ترجمہ“ کیا۔ آپ نے پنجاب یونیورسٹی لئی پنجابی لغت دی تیار کیتی۔ آپ دے کلام وچ پنڈاں دیاں ریتاں رساں، انگ ساک، عالمی جنگ دی تباہی، پنجاب دی مٹی دی خوشبو وچھوڑے دا دکھ، مت دیاں گھاں تے ڈوگھے جذباں دی مکمل ترجمانی موجود اے۔

اوڑک ہوندی لو

انج ولا نہ جھتھیاں پو
انج نہ رات غماں دی منکدی
انج نہ ہوندی لو
انج ہواواں وچ نہ گھل دی فجر اں دی خوشبو
نصیرے دے وچ جھکن تارے
نور دے کھوجی میرے تیرے داگوں سارے
اپنے آپ نوں ڈوب کے ادھناں
ڈبے ہوئے سورج تارے
جان تے اپنی ہیل کے پیچے، جو منزل تے پیچے
جیہڑا اپنی رت دے قطرے راہ وچ دیوے گو
انج ولا نہ جھتھیاں پو
اوڑک ہوندی لو